

金石續編

金石續編卷第廿

遼

西夏

金

武進陸耀通纂

太倉陸增祥校訂

遼

憫忠寺劉贊經幢記

應曆七年六月劉贊迷王進思正書在大興遼主
璟應曆七年為後周顯德四年

憫忠寺紫褐師德大衆等捐施題名

無年月在大興

西夏

重修威通塔碑

正書在甘肅武威縣

缺大抵與五常之教多有相似其實人人□□令智愚

心服歸向信重汪洋廣缺起八万四千寶塔奉安舍利

報佛恩重今武威郡塔即其數也自周至晉千有餘

載中間興廢經典莫記張軌稱制缺中載□□□天錫

異其事時有人謂天錫曰昔阿育王奉佛舍利起塔

遍世界中今之宮乃塔之故基之一也天錫遂舍其宮

缺投類□輸者來治其事心計神妙準繩特異材用質

簡斤蹤斧迹極其疎畧視之如容易可及然歷代工巧

營心役思終不度其規矩茲塔之建迄今缺一千餘年

矣大夏開國奄有西土涼焉輔郡亦已百載塔之感

應不可殫紀然聽聞詳熟質之不謬者云嘗有歌仄每

欲薦整至夕皆風雨大作四隣但聞斧鑿聲質明塔已

正矣

缺

者再

先后之朝西羌梗邊寇乎涼土是夕

亦大雷電於冥晦中上現瑞燈寇人覩之駭異而退頃

為南國失和乘輿再駕躬行薄伐申命王□□□潛禱

故天兵累捷蓋

缺

前年冬涼州地大震因又歆仄守臣

露章具列厥事

詔命營治鳩工未集還復自正今

二聖臨御述繼先烈文昭武肅內外大治天地裡祀必

莊必敬宗廟祭享以時以

缺

釋教尤所崇奉近自畿甸

遠及荒要山林礪谷村落坊聚

佛宗遺址隻椽片瓦

但髣髴有存者無不必葺况名迹□敞古今不泯者乎

故將是塔旌乎前後靈應遂命增飾於

缺

率□百工效

技朽者績者是瓊是飾丹雘具設金碧相間輝耀日月
煥然如新麗矣壯矣莫能名狀況武威當四衝地車轍
馬迹輻奏交會日有千數故憧憧之人無不瞻礼隨缺
信也茲我 二聖發菩提心大作 佛事與無邊勝利
接引靜謐日有饒益巍巍堂堂真所謂慈航巨照者矣
異哉 佛之去世歲月寢遠其教散處宗尚各異然奉
之者無不尊重缺嘆雖兇狼庸愚亦大敬信况宿習智
慧者哉所以七寶莊嚴為塔為廟者有矣木石瓊甃為
塔為廟者有矣鎔塑彩績泥工沙礫無不為之故浮屠
梵刹遍滿天下然靈應昭然如是神異者未之聞也豈
佛之威力獨厚於此耶豈神靈擁祐有所偏耶不然則

我大夏植福深厚 二聖誠德誠感之所致也營飾之
事起癸酉歲六月至甲戌歲正月厥功告畢又十五日
詔命慶贊於是用鳴法鼓廣集有緣兼啟法筵普利
郡品仍飾僧一大會度僧三十八人曲赦殊死罪五十
四人乃旌能事特賜黃金一十五兩白金五十兩衣著
羅帛十段錦雜幡七千對錢一千緡用爲 佛常住又
賜錢千緡穀千斛官作四戶充番漢僧常住俾晨昏口
口者有所資焉二時齋宿者有所取焉至如殿宇廊廡
僧坊禪窟支頒口口一物之用者無不仰給焉故所須
不匱而福亦無量也乃 詔辭臣俾述梗槩臣等奉
詔辭不獲讓抽毫抒思謹爲之銘其詞曰

魏魏寶塔 肇基阿育 以因緣故 興無量福 奉

安舍利 粧嚴具足 厯載逾千 廢置莫錄 西涼

稱制 王曰張軌 營治宮室 適當遺址 天錫嗣

世 靈瑞數起 應感既彰 塔復宮毀 大夏開國

奄有涼土 塔之祥異 不可悉數 嘗聞歌仄

神助風雨 每自正焉 得未曾覩 先后臨朝 羌

犯涼口 亦有雷電 暴作昏瞑 燈現煌煌 炳靈

彰聖 寇戍駭異 口迹潛屏 南服不口 乘輿再

討 前命星使 恭有祈禱 我武既揚 果聞捷報

蓋資冥祚 助乎有道 况屬前冬 壬申歲直

武威地震 塔又震仄 凌雲勢撓 欲治口口 龍

天護持 何假人力 二聖欽崇 再詔營□ 朽者
績者 罔有不備 五彩復煥 金碧增麗 舊物惟
新 所謂勝利 我后我皇 累葉重光 虔奉竺典
必恭必庄 誠因內積 勝果外彰 覺皇妙□
萬壽無疆

天祐民安五年歲次甲戌正月甲戌朔十五日戊子建
書番碑旌□典集冷□渾鬼名遇 供駕南北□表張
政思書并篆額 石匠人負幫移移崖 任遇子康猶
慶寺都大勾當銘饗正寢挨黎臣梁行睿也 慶寺都
大勾當卧則羅正義頂直羅外母羅正律□賜緋僧卧
屈皆 慶寺監修都大勾當五司正右廂孽祖亂介貝

埋□皆慶寺監修都大勾當行宮五司正兼聖容寺
感通塔兩衆提擲律晶賜緋僧藥□永詮□寺准□吳
□行宮五司正奏銘臣吳沒兜修塔寺小監行宮五
司臣栗銘臣劉屈栗崖修塔小監崇聖寺僧□□僧
□介成庇護國寺感通塔番漢回衆提擲賜緋僧□□
□□□□諸匠夫監感通塔漢衆僧正賜緋僧酒智
□修寺塔監石碑感通塔漢衆僧副賜緋僧□□□
修塔寺^缺劉獨兒石匠^缺三^缺都^缺孫□都^缺兄孫^缺

碑陰番書不錄

西夏自李繼遷之孫元昊建國三傳而至乾順乾順

立於宋元祐二年丁卯改元天儀治平又三年庚午
改元天祐民安此碑建於天祐民安五年甲戌之正
月實為宋之元祐九年即乾順立之八年也其年四
月宋始改元紹聖碑陰畚書不可讀據前漢字碑
末題名曰書畚碑旌口典集令口渾嵬名遇知即前
碑以存彼國書體也筠清館金石記

據筠清館金石記補入原書目錄標題云大雲
寺舍利塔銘即此碑也陸增祥志

金

仙遊觀永陽園詩記

高四尺廣二尺七寸分二截上截刻詩并序二十二
行行二十五字上橫刻仙遊觀永陽園記七字徑二

寸五分下截刻靈寶經會經氏二十三
行並正書篆額失招在陝西麟游縣

題永陽園詩序

奉玉檄赴凡闡化壇於童山崔祠之側往復於九成
顯道天尊之所率徒相聚以淑人心於時裏外居民咸
修善事心疾令悔身病藥痊有欲死而復瘳有重患而
陡瘥休糧點化遠近雖殊頓食尚由難廢何況歲月忘
食官民悉謹老幼皆矜祠堂成施者之心像侔就禱恩
之意置園于後號曰永陽椿澤二子督功餘生皆羽毛
相助武水龜之雅望士庶遊興長春亭之幽觀凡聖
同登儒者俯臨孰不成詠徧觀名篇因訓少句云

歲久仙遊觀

園新五年過

基惟吳生施

買地

費家貨 栽惟王子勤 花木逾萬箇 共勝永陽
名 千古無令破 又添長春亭 不暇興遊邏
瞰臨眇空濶 綠淨不可唾 莫憐如覆錦 堆綉
最堪播 瑞口龍蛇活 怪石虎狼卧 夜風一河
喧 晨鐘兩崖和 人生誰無幾 事往悲豈那
欲厭市廛囂 且來取靜坐 願書梁上牌 勿使
塵泥浣

太歲甲子正月癸丑朔十二日甲子董道臣丕道圭
立石

道士蘭世書丹并篆額

道士衛彊茹韻趙紹

知仙遊觀道士耿炆

高上神霄法錄典者耿履

進士□竊耿介耿崧郝菹

進義校尉麟遊縣尉羅友

承信郎號縣主簿權麟遊縣事郭彖

下截

靈寶經會

趙知和 蘭道一 趙道亨 董道成 郭道辛 吳

道澤 李道銳 李道舒 李道餘 曹道仙 元道

圭 程道玉 樊道珍 王道椿 景道應 趙道海

李道衍 樊道欽 孫道霖 唐道堅 劉道志

趙道詵 張道觀 李道端 馬道彥 吳道超 關
道清 党道明 巨道傳 巨道希 樊道昇 王道
安 李公齡

崇真弟子 李道洪 段守彥 馮守懃 王守中

陳守希 范守冲 姚守一 尹守仙 南守順

竹守存 盧守清 曹守堅 張守仙

鄉郭信士 王守卞 王真 曹言 曹仲 楊玘

劉衍 成章 蘇甫 劉資 趙璋 楊辛 王道

杜千 小王清 杜閨 王吉 張清 王知微

駱知暉古邠南全刊

按道士蘭世一正書仙遊觀永陽園詩并序甲子

正月立畢氏關中金石記孫氏寰宇訪碑錄並次
於金末金建號於宋徽宗政和五年乙未亡於宋
理宗端平元年甲午凡百二十年中更二甲子一
為熙宗皇統四年一為章宗泰和四年未知孰是
案潛研目錄注云題云太歲甲子正月癸丑朔
不著年號以術推之蓋金皇統四年也關中金

石記附金末

陸增祥志

重刻朗然子詩

高三尺三寸寬二尺一寸分五截上截刻序計廿二
行行七字下四截刻詩每截四十行行十二字並正
書在河南洛陽縣

朗然子詩

并序

羽衣劉希岳字秀峯述

余乃生居漳水業本豪家幼習儒風曾叨鄉貢嗟浮世
速如激箭傷時光急若瀑流未免退跡園門棲心冠褐
外丹達恍惚杳冥之旨內氣明泝流胎息之源功勤未
及於旬年人驚不老壽筭已踰於五紀自覺如新有此
靈通故難緘默謹吟三十首号曰朗然子詩呈同道望
迴心聖意非遙人自疑惑時大宋端拱戊子歲季冬佳
京通玄觀內偶口述之

以上第一截

口魂洪盃數十年朝朝恣性日高眠尾閭適得泥丸穴
丹竈能个造化權只此雲霄應有路筭來人命豈由天
莫言大道人難會自是頑夫不學仙

南北經遊口廿春潛行玄理暗修真不求世上無窮物
只向寰中覓箇人外藥已知消息火內丹常運泝流津
假饒千載重相見也口如今貞轉新

京洛幽閑寂寞中住居古觀古壕東俗情亦染心無染
塵事雖同道不同煉藥豈辭千日苦運精常遣四肢通
世間口貴真堪重除却人身慾是空

求仙之士乱紛紛涉歷山川走似雲撚學長生尋外物
筭來至道未嘗聞身中自有昇天路口上誰無出世紋
堪嘆凡夫全不悟盡甘荒野作丘墳

豈貴榮華豈重財堪怜身向此中口丹田自種留年藥
紫府常燃不死灰髓實已無寒暑近道成豈怕曉昏催

傷哉世俗孜孜口逐利爭名性轉醜

兀兀陶陶是事休花開花謝任春秋金章紫綬由他貴
布素斜裳幸自由壽命須同天地永身心閑共水雲儔
堪疑太上玄元祖何故人間早白頭

一居京洛十餘春未肯閑趨富貴門攝養不教元氣散
修行常遣谷神存飢食舌下津還飽寒發丹田火便溫
取性自怡兼自樂且無慙色感人恩

今生不悟望來生據筭來生甚口明爭似便修天上路
何須更入地中坑陽魂若壯非千壽陰魄如強必致斃
百草經霜皆盡死口口口口長榮

以上第二截

口親儒墨擬求官忽悟幽玄道不難陰氣若消終未死

陽精如在自然安身中每運無窮藥鼎內常燒續命丹
堪嘆慕財貪色輩煎熬終日有多般

世間萬事不堪論唯有身形與氣存金鼎會燒延命藥
丹田解種駐顏根每承大道乘麻蔭肯受常人取次恩
已絕榮枯無玷累却愁白日出乾坤

小隱居崑大隱口立身偏愛閑中閑心澄瑩若天邊月
意穩安如海上山常遣眼前無慾色自然臉上有童顏
更能通得泥丸穴何必駟駟煉九還

自說玄元旨趣深何曾解問自家心三田氣若相通貫
二竅循流口不禁泛海經年搜命藥求仙觸處走山林
爭如向己身中覓便見希夷道易尋

僻居古觀勝山居門掩荒苔馬跡疎靜室忙吞千口液
幽窓閑却一牀書是非少為交知少貪愛無時榮辱無
九九逐時隨分過任他人喚作愚夫

鑄煉元精却返_淳萬般為了始歸真若教愚者皆成道
□□神仙是異人報効全由功滿日希夷不離自家身
但能勤運冲和氣便覺容顏轉轉新

少年苦節近文儒荏苒光陰六十餘得遇志人教學道
便將性命託虛無髮因運氣蒼還黑臉為存精皺復舒
大要欲陪卿相位个中無了謾駟駟

泝流直上至泥丸關節總通便駐顏悟處如同觀返掌
迷時似隔數重山口明神識千般擾達了心田万事閑

□要長生兼出世□□□□□問

以上第三截

學道何須學執迷無為之理。認須為氣吞根柢。非呼氣肌却心腸。不忍飢存得元精。無老耄。去除情慾似嬰兒。更能曉得衝天穴。定有逍遙出世期。

求仙皆學採陰丹。甚處交精去復還。未及年餘多卧疾。正當少壯改容顏。陽魂漸滅終無悟。性命將來似等閒。若要延齡身住世。存精保氣寂寒間。

紫衣師号苦貪求。養氣燒丹認不修。未及中年身已老。正當強壯鬚先秋。惺惺知有長生路。九九甘隨逝水流。木挂冠裳綠口事。爭名竟利等閑休。

自住凡塵數十秋。縱然觀色恰如讎。常行元氣滋容質。

每論丹砂問道流一種利名心不美
萬般榮辱眼前休
有錢多買盃中酒無慮無憂有底愁

螢窓十載望求名兩上春闈事不成
有志無緣千寸祿
到頭有小學長生選官豈及選仙士
慕色爭如慕道情
但得容顏常悅澤昇騰必定在前程

聲名何在振寰瀛爭似潛修出世程
強強燒丹終九轉
勤勤運氣徹三清藥成自有飛騰路
功滿須歸物外行
莫愛榮華兼富貴自身堅固最爲精

世人慕色及貪財亡命亡軀自此來
穢虱啣身還怕痛
陽魂去體不疑猜一朝染疾醫無效
萬種求神道自灾
若會運精兼保氣長生豈更掩泉臺

浮榮休羨學三茅周易通來盡易抄因悟道情親至理
便疎人事絕知交陽精每運無窮數玉液常食不暫拋
只候一朝功滿足會同罔鶴離凡巢以上第四載

盡求點化要肥家忘却形枯改歲華慕色將身為弃物
貪財輕命比泥沙口中解說修仙道意內元來似夜叉
此輩頑愚終不悟達人休要為傷嗟

禮拜焚香求塑盡爭如努力自修行勤吞津液過千口
長記存神聽五更莫失常規頻道引更須子細運元精
雖然未得昇天去應有神仙錄姓名

休讀九經三史書與身到了不相拚爭如保息元和炁
未似躬親大藥炉存得陽精終濟老燒成金質定冲虛

分明有箇長生路其奈凡夫性轉愚

求貴貪財無盡期高官富極又何為爭如心靜忘機慮未勝身閑絕口疑欹枕任後春日永運精不遣鬢毛衰他年物外相逢處元是神仙別有期

真鉛真汞不難尋自是凡夫錯用心月魄日魂明甚易木精火候理還深苦辛運藥須三載變化通靈點五金出世只消食一粒蓬瀛崑崙盡知音

夾脊雙關至頂門修行徑路此為根華池玉液頻須嚥紫府元君遣上奔常使氣衝關即透自然精滿谷神存一朝得到長生地須感當初指教人

朗然子者昔唐通玄觀主也事跡靈異修煉非凡隱世

百載至宋端拱年於桃花坊曰日昇天矣勅改名集真觀有遺詩三十首於世至政和元年觀主道士張道言小師周抱真立石後改名萬靈胡元宮值兵火損壞碑跡於天德二年正月初五日日本宮道士趙隱微尋獲元帑碑一本道士張道冲重刻石

葆光道人

王煥書以上第五載

朗然子者即劉希岳字望嵩章水舉人棄儒入道今觀其序及詩甚劣而所說甚奇異將道士造作其事衍世者耶予覽金石之例凡為道家作志銘於其卒也必曰白日昇天或曰蛻去猶為釋氏立祠曰圓寂曰涅槃之類後世不鮮讀其碑則以為仙也

中州金石志

王燦二字據潛研堂目補注於旁陸增祥志

義井寺崇遠塔銘

縱橫各二尺二十九行行三十一字正書在陝西長安成固二縣南境神禾原

故義井寺住持遠公和尚塔銘并序

太白山釋普明撰 法孫僧了性書丹

信佛言而解佛理者實難其人解佛理而行佛事者尤為難矣若乃深信其言善解其理能行其事果有取證者其唯遠公和尚矣 師諱崇遠姓荆氏京兆萬年人也曾高之下家世業農積善傳芳代為著姓師居家廉正閭里稱賢不喜喧嘩未嘗戲笑其性醇厚其言簡直居一日喟然歎曰塵勞愛網無有出期生死大事如何

為備遂乃頓捐俗累決志出家建中靖國之初依牛頭山福昌寺傳大乘戒律德沙門惟省為師稟教落髮進具之後三業無瑕梵行既嚴仁風外著崇寧乙酉歲有大檀越故贈武義大夫韋公宗禮率眾具禮請住神禾原義井寺仍施田三百畝以助供僧之用師應緣而往隨力經營三二年間安眾所湏無不嚴備韋公又施大藏經五百函師每焚香披覽日照心印三復其文雖酷暑祁寒而手不釋卷寺務之外閱周三遍得非信佛言而解佛理者乎師安眾住持二十餘年興修殿宇九十餘間供佛延僧年無虛日鑄大鍾一頂起重閣以安之至於名花甘木森然行列每有高道之士多居師牕四

事供承無不周足度門人子秀子潤子澤子璋子昱子
才子昌子嚴等八人師孫宗覺宗正宗寶宗定宗義等
五人師功德兼濟利及自他清淨之風聞于遐邇得非
解佛理而行佛事者乎以靖康丙午歲六月示疾二十
三日昧旦召門人子璋集衆念誦師即跏趺端坐合掌
正念於佛聲磬韻之中寂然入滅停經四日顏貞如初
仍有異香騰于庭宇嗚呼唯師末後一著特奇過人得
非果有所證乎師享壽七十三僧臘二十六即於其月
二十六日門人奉全身葬于寺西起塋塔以表之是日
也有雲如蓋蔽日清涼葬事既周雲銷日出其感應又
如此嗚呼師以正信出家以正見行道以正智而興

補以正念而歸寐於吾佛之門豈爲小補哉今講經律
論臨壇戒師璋公即師門白眉者也持師行狀來乞其
銘普明素欽高行義不可辭但愧非文直書其實銘曰
至哉佛子性蘊仁賢頓裂愛網俄登法筵戒珠內瑩德
馨遐宣副彼檀越興于福緣闢斯曠土矧此金田願力
攸濟殊功自園三披大藏久造深淵照了心地光輝義
天一生事畢端坐歸全白業隆矣清香藹然雲飛大頂
水瀉樊川雲水無盡真風永傳

自統癸亥求得其文至貞元乙亥歲有長安縣信士
邵宣就寺薦親筵僧供講遂施刊石

傳法師孫永淵普遵德瑱祖園廣淵普來祖月崇教

文璪 師姪監寺僧子臯 師孫住持僧宗寶 孫
荆璧 小師前京兆府管内僧正講經律論臨壇傳
戒沙門子璋

貞元三年六月十日建 孫文爽刊

按僧崇遠塔銘金貞元三年六月建道光初始見
拓本神禾原在西安府城南三十五里子午谷之
北義井寺當與香積寺相近今并鐘閣塼塔皆無
考矣牛頭山在城南二十里福昌寺即牛頭寺也
宋太平興國中改為福昌寺徽宗崇寧四年乙酉
欽宗靖康元年丙午時陝西州郡皆陷于金金主
亶皇統三年癸亥為宋高宗紹興十三年金主亮

貞元三年乙亥為紹興二十五年銘後記自統癸亥乃皇統之誤

碑後刊石一行鈞清館作皇統癸亥永淵得其

文未得拓本姑仍其舊

陸增祥志

通惠院彥戒師塔銘

正隆三年十月樂說譔金汝礪書

重立泰寧宮碑

正隆四年十月喬逢辰撰王仲成正書後有元至

正十三年王璞記在陝西渭南南門外

壽禪師修明月山清風庵記

大定二年五月

王雷謁無盡居士祠堂詩

高二尺廣二尺六寸九行行八九字不等
行書後二行正書在山西壽陽縣方山

依然繪象暮山空
妙口靈分異與同
沫泗舊口真自得
雲曹別派復何窮
市朝誰識生前趣
名字猶存身後功
若問先生無盡意
春風已過又秋風

奉謁無盡居士祠堂因題以記其來癸未仲秋王雷

孟山宋壽摸刊

方山昭化禪院住持講經論沙門普玉立石
按癸未為宋孝宗隆興元年金世宗大定三年張
商英字天覺號無盡居士王雷祁人壽陽縣志載
其遊方山詩云車輪馬足徧人間豈意窮荒逢此

山便欲棲遲成地隱始知空濶破天慳松聲萬壑
秋風急石徑千盤暮雨斑為報草堂真碧眼莫教
辜負箇中間亦癸未仲秋所題而未錄此首

開法寺永重壽塔銘

大定四年七月宋壽隆撰正書在陝西咸寧開元
寺

蓮峰真逸題名

甲申七月正書在西安府學刻多寶塔感應碑側
甲申為大定四年蓮峰真逸喬宸號也

脩胎化院記

縱橫各二尺三寸二十行行十九二
十字不等行書在山西壽陽縣方山

壽陽東北三十五里曰神福山峯巒秀拔林木鬱茂有
唐開元間顯教妙嚴長者李氏竭來此山下土室而居
研精覃思以著華嚴論為業神物佑助不召而至越十
有九載文成示寂飛走哀號環山之民莫不感激相與
建寺於其所然而廊宇隘陋僧徒鮮少經五百歲前宋
元祐戊辰本路提刑張天覺學士按行羣邑自謂有緣
於長者崇像祀之即勸率檀信改造今昭化禪院特奏
□□僧一員以供祠祀及居政府崇信愈謹於是乎長
者之教興矣 本朝已來寺雖仍舊歷一甲子類
廢輒多殆無完所歲在癸酉行縣廣威公始下車□民
以惠御史以嚴未幾政理因尚勸農事道過祠下瞻仰

者久之忽見天覺寫真而悅曰此賢相口余為宗姓十
世之上庸知非同口邪丞相之志可不申明遽命寺僧
口口口口數月之間弊者斯新仆者斯起公諱忠口字
德裕口州人世為遼東著口少承從伯父太傅中書令
口蔭補官其見賢思齊樂與人為善率皆此類僧宗廣
等德公甚厚思有以傳褒讚稱述略不去口太原王革
聞而錄之以為重脩祠記云時貞元乙亥十二月十日
書

口信校尉權令張景祥 大定五年六月日住持僧山
中立石壽山朱慶刊

按此碑太原王革撰書記宋元祐戊辰張天覺為

唐李長者造昭化禪院金貞元癸酉張德裕重修
天覺商英字也記作於貞元乙亥立石於大定五
年按宋高宗紹興二十五年乙亥金主亮貞元三
年孝宗乾道元年乙酉金主雍大定五年

僧德誠塔銘

正書篆額在
陝西興平縣

故戒師誠公塔銘

大金故辯才大師誠公戒師塔銘 德順僧師備撰

古雛講僧有晦題額

詳夫經史載事碑碣紀人事無妄而可以書人有實而
可以紀安可莊德於珉弄文作錦徒駭視聽矣其唯純

粹者孰歟故有我師諱德誠字信之世嗣乾州武功縣
田氏之子幼日聚沙戲之而猶爲佛塔長季慕道諱親
而願入僧門遂於京兆府興平縣寶林陀必芻善江之
庭侍而不厭勞而不怨磨而不磷涅而不緇十九歲中
方逢落髮即元祐四年冬月也□□乃□質好音志宏
性直不學守株待兔便乃訪法擔簦第歷二京師參多
士虞而往則實可歸德以□則名可大隴州潛和尚亦
吾家龍象也知師聞望傳戒與之政和四年聞丞相种
公許師奇古衣□紫□師子辯才大師于後教風大扇
佛日增輝法輪遍轉關中學士爭延座下□□□□薦
領百人□□□識因明等□季不虞□僅三十季矣每

於講暇口誦蓮經雖乃詞鋒口口法印口口功不休
口口不口口智囊學海色括非一丈二文吼石輪金激
問有千義萬義廣場之中多有成名口口拔萃不羣如
口口芽口由師而起陝右講匠僧傑大半皆師登門客
也於法門寺塔四十季中口口口口建百師會二口
師爲檀首二口樞密趙公請住明因院改故重新有實
相院舊基前臨官道後口口口口車馬口繁思口
口口清超盡遷隘寺全上高岡面對南山眼觀渭水
構屋立像口口天成偶口赴請口界道過武功郊口口
口口口口誤落一牙主人收惜覆帛藏之後取瞻
玩牙生感應口口傍一象豆上口如麻與玉爭明縞白

歎異俗壽七十七僧臘五十八度門弟子六人曰法潤
法雲法口法遠法培傳戒小師十一人曰意清惠通廣
教法口道溥清惠海洪法然善學圓契天德二年秋夜
口口口卧驚失口出戶過閣小徑徘徊東有懸崖約高
二丈飛身誤墜下坐儼然語笑清冷襟帶完結儻非神
物護衛安能毫髮無危是年三月初三日忽入寂滅之
界廡示少疾之因觀心無常絕食口粥半粒觀身不淨
唯飲清水十朝至十二日索沐浴湯著鮮潔服曲肱而
卧掩目而終當折膠墮指之時有肌膚柔軟之異面口
桃紅色還若壯年時停喪七日吊客盈門巾冠總角之
流摩肩疊足之望縞緇迅集悲喜交并悲則異其人喜

則異其事將臨宅地預請諸師建壇演尸羅之文靈閣
萬象隔棺傳德□之戒□後一人夜當黑月三霄頓現
白光二道自靈堂幕下而來至佛事場中而住人人備
覩漸、潛消翌日舉棺葬于寺右墳深二丈土起一口
庶俗哀號□乎感應拘土在手尋得戒珠一人喜躍騰
聲四遠欣然響應以□以□□爭尋成坎成坑培築
復隔晝即臨風攤土目下輝生夜即背月撿埃手中光
出其戒珠也若大若小五色鮮明其得人也少有有多
四方不等墳壠初起之夜行人驛落之中望見紅紫數
段曲遠幾盤□□虛空□然成□煥赫如晝□作大明
驚怪喧呼聲震村落寢人攬衣離閤與客同瞰神毫間

之曰奚爲下奚爲尔口泣相告喪我戒師菩薩矣衆耳
既聞同音稱善自後聯綿百夜示現不同現其燈則作
金作銀現其光則如旛如旒有從塋起來入寺中有自
寺升去歸塋內或斷或續還同截繡縫花或高或低渾
似舒霞展錦異事非一採略言之子孫思慕真風議乃
圖形建口斯可見有實事而無纖塵莊德排諦語而絕
點墨加文不盡殫揚脚賦銘曰

秦中法將 慧劍倚天 蕩除妖孽 口輔全僊

教風浩々 佛道平々 如何不世 失我巨賢

月沉碧落 珠沒清淵 山原骨宅 竹帛名編

陵移谷變 嘉譽長傳

大定五年八月十日小師僧法遠立石 管勾助緣僧

惟信口

中叙塔頂放光一節襲用嚴挺之大智禪師塔銘弟子神奇其師每有此等異說不足信也關中金志

開元寺觀音院記

正書在陝西麟州

觀音院記

汧州開元寺觀音院記 中順大夫前充隴州防禦判

官上騎都尉太原縣開國子食邑五百戶賜紫金魚袋

王從簡題額 鄉貢進士州學正李居仁書丹

百萬和尚名口口俗姓蔡其先同州朝邑人也崇奉佛

法蓋自天性非勉強求名者之所能比也涇州龍翔寺
賜紫明教□□□□顏兒魁備博極經論聲聞播陽盈
益人耳即公之師也公凡有興修誠心一出不遠千里
車載人負錢盈百萬故時人以百萬稱之皇統壬戌平
京重修佛塔是歲旱魃為虐野有餓莩公愍意諭眾雖
救死不贍而人樂輸財數月之間厥功告成汧州開元
寺自天會庚戌師旅之後盡為圯墮僧徒以廊廡諸院
因其故基度材締捋髣髴如故唯是無垢淨先佛塔所
費鉅萬非□□可辦戊辰千僧院僧正子文謂眾曰塔
廢久矣何以復建僉曰非蔡百萬莫能興也眾議公允
請者再三公如其約既至□□遠近皆□百歸依經營

之始聖燈屢見於林表塔影昭顯於目中又因解木而
得佛像容止可觀雖丹青妙華無以加此由是人皆敬
信遂致金帛泉湧材木山峙施工口者不可勝數分命
梓匠各有條度不踰年而能事畢矣公不告主者振衣
而去人懷其德先是鳳翔鳩工修塔不得其人中道以
廢府尹張特進遣僧俗延請公辭不獲已惠然而來聞
者輻湊爭獻用度不待口勞如期而畢公徒步至隴復
觀口跡有講經僧惠俊見公之來喜動於色乃集下生
院主僧懿通而講院主僧善從地藏院主僧口口口口
院主僧口口口口西院主僧道常羅漢院主僧崇惠千僧
院主僧覺信天王院主僧口口口口文殊院主僧覺仙弥勒

院主僧文志東講院主僧惠□□王院主僧□□維摩
院主僧法禧寺十有三人曰故觀音院鞠為荊棘可捨
百萬以酬其施衆皆曰可里人李居仁陳錫釗汝楫贊
成其事公不欲重遣群議曲意從之遂高起大屋廣種
松竹真得空門之趣公素有其願暫歸故鄉鏤板印施
大般若經數千卷於先人墓側廣□僧衆欲報昊天罔
極之德也公當擾攘之際其於修建未嘗湏臾廢於心
同州城內有官田三十拾餘畝公請於郡守修爲官刹堂
宇壯麗舉中其度 勅賜名額謂之太平院公與法
眷智覺洎法嗣法真同居是院嘗詢趙泰王儀郡之吏
長也皆出家資以助勝緣同州井□□□汲水頗以爲

勞公於院庭鑿井有二而味甘如醴良由神物護持故
感應如此公受業於回山龍翔寺有法嗣二人曰大知
大見良原勝果山僧子俅與公皆敏悟大師之宗派也
以公爲叔有法嗣三人曰有利有益有璋同爲住持大
紆慮公行事傳之不久因叙觀音院所得建立之由著
其功德之大略爾大定丙戌九月日涇州大像寺講經
論沙門師姪大紆紀其實閣川李□□命撰 本院化
寺僧有利 住持院主僧□□ 承德郎充隴州防禦
判官飛騎尉賜緋魚袋李次典 □衛將軍同知隴州
防禦使兼權州事驍騎尉王準 修院維那首般若會
里行張明王周等立

廣濟寺牒

大定三年十一月牒七年八月立石正書在陝西

醴泉

修白馬寺舍利塔記

高七尺八寸廣四尺二十行行四十四字正書在河南洛陽縣

大金國重修河南府左街東白馬寺釋迦舍利塔記

河南府學正李中孚撰男鄉貢進士燮書

浮圖氏之教大矣哉本西方聖人之設教也迨乎東漢明帝時則有若三藏曰摩騰竺法蘭以白馬馱經四十二章始流傳教法至於中州是時適卜府皇城之東二十餘里建精舍度僧徒創曰白馬寺中州之人奉釋氏

者此自始厥後敬供香火相傳魏晉隋唐而下迄千有
餘歲不絕洎五代之後粵有莊武李王施已淨財於
寺東又建精藍一區亦號曰東白馬寺并造木浮圖九
層高五百餘尺塔之東南隅有舊碑云功既落成太
祖觀王之樂善賜以相輪王之三子又施宅房廊裴角
龜頭等僅百間每遇先大王夫人遠忌等日逐季齋
僧一千五百人以崇追薦又一百五十餘季至丙午歲
之末遭劫火一炬寺與浮圖俱廢唯留餘址鞠為瓦子
堆茂草場者今五十載矣往來者視之孰不咨嗟嘆息
焉噫天壤之間古今而來事之廢興何代無之莫不係
時與數而使之然爾又奚足怪物極必反無何果衰

大士自濁河之北底此覩是名利荒榛匠墟徬徨不忍
去一夕遽發踴躍特達心迺鳩工食造臂緣行如流四
方雲會不勞餘刃而所費辦集因塔之舊基剪除荒埋
重建磚浮圖一十三層高一百六十尺徘徊界宇洞并
龜頭一十五所護塔墻垣三重甘露井又立古碑五通
左右焚經臺兩所杈子并塔門九座下剏脩屋宇二十
八間門牕大小三十七座其餘不可具紀不踰年而悉
就所願恭以臨濟之宗無畏之增謹持六齋幸遇 明
天子在上太守百里賢士大夫在位抑之天時物數若
合符節焉可見非我 棲巖猿乘時一舉手孰能廢嗣
興致巍巍之功德能如是乎於告成之明日丐李中孚

以記其事中孚于 莊武王係六代孫粗知其要義不
當辭是可書也晉大定十五年五月初八日子是乎書
文林郎河南府洛陽縣主簿馮 煥 武義將軍行
河南府洛陽縣尉驍騎尉孫 翊 宣威將軍行河
南府洛陽縣令上騎都尉廣陵郡開國子食邑五百
戶高師旦 定遠大將軍河南府判官輕車都尉漆
水郡開國伯食邑二百戶耶律重哥 金吾衛上將
軍河南尹上護軍彭城郡開國侯食邑壹仟戶食實
封壹伯戶唐括烏也建 修塔會首忠顯公口忠顯
口心忠翊口岳 立石 木寺主募化緣僧天順

本寺尊宿沙門廣雲

洪濟禪院牒

大定三年七月牒十五年六月立石正書在陝西

富平

大明禪院碑

正書刻額在河南河內縣

明月山大明禪院記

尚書禮部牒蓋尚書禮部之長印

大明禪院蓋印同前

尚書禮部

牒懷州河內縣北道官村住庵僧廣壽狀告本庵自

來別無名額已納訖合着錢數乞立院名勘會是實須

合給賜者

牒奉

勅可特賜大明禪院牒至准

勅故牒

大定二年九月十四日令史向昇

押

主事

押

中憲

大夫行員外郎李

押

郎中

鎮國上將軍行待郎阿

典 正奉大夫禮部尚書兼翰林學士承旨王

懷州明月山大明禪院

空相禪師自覺述

小師妙

先書

靈山初始插草為標植建梵宮久而為矣我為佛子依
先聖之跡也乃說行由山僧自正隆三年九月十一日
離南京東明縣報恩禪院渡水穿雲到潭懷之郡海眾
象雲集禮請山僧住同義之寺於彼修方丈一座立碑
一通後遊此山至此觀看遠遠望之朗然無滯清淨明
白号为明月之山口四下方景口前看銀江二道正對

祖師名越之山少室嵩峯青龍亦帶至西洛龍門又以
名川地平如掌冬夏有長青之竹花林似錦浩浩人烟
菌內往來便是神仙之隊仗又有羅紋之水遍地交流
響響潺潺似歌音之樂要知明月在沁南軍內兩鎮其
間後靠太行碧水青蓮東有靈巖古寺西有丹水喧喧
中有一座龍盤鳳繞虎勢巍我峻嶺前橫青松後顯峯
巒秀異東嶺猿啼西溪洞府向當陽峯下翠雪峯前道
遙林內湧出甘露之泉徹骨清涼又顯觀音聖水奇異
奇希白玉崑中天然丈室紅輪正曜不落於二邊心懷
喜悅此乃歎言堪為聖地大定二年幸遇 皇王賜
額始乃留心開山般若方能建立種栢千株遠在碧溪

崑崙於清風谷內修一所精藍大小屋舍一百餘間一
十四年功將了畢永為聖跡將作選佛之場口前文之
景乃是眼前之浮口別有宗乘願悟無生法忍從上諸
佛惟傳頓教直指人心了然見性離相超凡同悟涅槃
成無上道證等菩提釋迦廣宣布令人見性悟理成
佛歸於不二法門我聞燃燈授記實無一法與人各有
明珠本來具足靈山親付迦葉方聞始悟一乘到波羅
之岸維摩無語深至涅槃文殊讚歎各悟心珠曹溪菓
子特賜呈人自從六代傳衣至今花生蒲地紅炉片雪
無相明珠悟取這般消息若是識得金燈步步登長安
之道見不生不滅之真若不錯用身心隨處證解脫三

味處處達菩薩道場向無相光不妨輕快幾人會意好
食雲門餠餅渴飲趙州之茶解悶消愁向無憂國裏明
月輝輝掃蕩烟塵到於淨土無根樹子永切長存瑞草
花開長年不謝騎着陝府鐵牛架着新羅鷄子向孤峯
頂上橫管鐵笛一任歌謠道泰所言得處山僧續嗣少
林和公禪師印證頡契一乘了悟真空實無有法師乃
知之以手摩挲撫拍分付信衣師又付言汝名空相授
得空王寶印今於此處却舉光揚向明月峯前分花布
彩鐵笛橫吹虎筵龍吟歌唱無為妙曲說清淨鮮脫之
門一顆明珠不落徧圓之鏡紅爐瑞雪鎮海明珠不謝
底蓮華拈出誰人趣向山童撫掌和者全稀願聽雷音

光揚四海一片瑞光與虛空不二阿僧祇外劫壞非災
遠磨單傳憑君看取金光晃耀瑞氣輝輝滿目光生如
似清霄之月這片光明是誰人之境界風光瑞彩幾箇
知音轉大法輪超於聖位人人有分悟取菩提性等虛
空明彰大事月印寒潭波光自現如大日輪無一點相
貌耀古通今普明法界人之不識可惜一片金光翠耀
底紅輪便是長生之月願都會意識取金剛寶山片玉
無瑕深悟菩提之性明顯此理達本還源清淨法身不
拘文字人能若識見性成佛是最上一乘稀有之法不
拘內外亦非中間朗耀光輝如似團圓之月逍遙自在
獨處無為體若虛空一輪孤照參羅萬像悉現其中如

似太虛不露烟色真空佛性蕩蕩然實普越超登願一切解悟神通妙用顯出無相真如清淨明珠在千輪之外凡聖之餘朗耀輝輝那尋蹤跡矚鋒掛角氣息不聞無相無為此是毗耶妙理空王寶印深悟涅槃入海泥牛那留影相如是悟者是名清淨靈光獨耀孤月輝輝悉得成佛名為得道十方海衆共唱太平之歌三世同宣從上諸佛西天二十八祖六代普傳遍於天下人之不識今復重言明顯此理令人悟入見性成佛悉願有情同登彼岸

後頌

朗耀輝輝不帶塵一輪孤照大虛真紅輪翠耀金光現月照長空處處明這朵瑞蓮人不識今將玉藥賜君呈

達磨來開花五葉至今天下紫枝生一片閑雲露骨寒
或居天上應人間從來不落情塵位獨顯明珠照大千
朗耀一輪清霄月如似虛空體一般不拘內外憑君看
悉願人人伴月蘭 大金 大定丙申歲九月 日
開山初葉住持傳法沙門空相禪師立石記 本州栢
山村石匠馮立 懷州清化鎮刊石人張鏞

丙申大定十六年

陸增祥志

崑崙山白骨圖詩并記

大定癸卯二十三年譚處端撰程發正書石刻二
面在河南洛陽

張仲偉墓表

大定二十六年三月

案關中金石記載有棲閑居士張仲偉墓表一

碑係明昌改元立石在鄆縣北大厰寺東南當

即此碑陸增祥志

龍泉寺政言塔銘

石幢高三尺二寸六方每方廣七寸七行行三十七至三十九字不等字刻五方共三十二行正書在直隸藺州

中都潭柘山龍泉禪寺言禪師塔銘

皇子曹王次子

皇孫祖敬撰

雲峯比丘

書丹

如來以心法付大迦葉不由語言直指見性自迦葉二

十八傳至達磨大師以心印東遊震旦爲第一祖六代
至大鑒禪師支分一源百派競注李唐以來師資之間
目擊悟道俯爲凡夫仰爲菩薩者不可勝數是以名山
勝地大都通邑外薄海隅禪剎徧滿而中都潭柘山
龍泉寺寶叢林之甲乙故爲之宗主者皆天下選而

言公禪師又其翹楚者焉師諱政言許州長社人姓
王氏九歲出家詣里中資福禪院師事主僧淨良祝髮
受具戒侍師不去左右十餘年一日告師欲遊學講席
許之時浩公僧以上第錄居南京講唯識論師徑謁之
摠衣請益決擇性相造理深至浩公知師偉器居無幾
何命師主席義學雲集疑難鋒起師應荅如流人人心

服聞所未聞於是師甫年二十一諸方聆風景仰競請
橫經決人之疑過於卜筮初講唯識因明論又取上生
經交相發明兼傳大乘戒凡十有二年一旦思惟入海
簍沙自困何益乃留心祖道置文字捐衣盃飛錫遊方
飄然雲往始居嵩山龍潭禪寂歲久後結茅於汝州之
紫雲峰是時香山慈照禪師叢林大振聞師清操
招延相見旋請師為首座嘗與□□□□□□□□□□
壞了性無憾雲散長□□□天白月慈照可之遂
為龍象之冠乃命師遊方至中都叅竹林以上第廣
慧通理禪師又叅聖□圓通禪師皆為□□□□□□

之東遊青杜連師捧疏請師出世住仰天山未幾又請
住益□□義安禪院頃之告退還鄉後復徇衆意住鄭
州普照洎河南府法雲禪寺既而潭柘專介馳□

梁國大長公主

□□□□□□□□

□□□□大宗正府事曹王疏請師住龍泉禪寺閱三歲
舉揚游刃製頌古拈古各百篇注禪說金剛□□歌
又著金臺錄真心真說修行十法門□□□皆行於世
所至崇□□監要令完具其後嗣□□□□□□□
□□□□□□□□□□□□□□□□□□□□□□
□去不曾去箇裏分三以上第方□□□□住一點□□□

□□□□□□□□□□□□□□□□
□十五門弟子三十□□法小師法慶住嵩山法王
禪寺重靖住廬巖師安住羅漢行修守走□嗣後三人
授師遺付□□出世共六人俗弟子幾千人師之去亡
黑白悲愴思慕無已相與閣維以靈骨塔于汝州香山
之南慈照浮圖之側又分其頂骨葬於潭柘山以銘紀
師之道銘曰

世尊說法	四十九年	哀憫鈍根	執著於言
臨終拈花	示以廓然	□證無盡	祖祖相傳
猗歟潭柘	上承臨濟	入門即喝	家風不墜
達發梭機	寧容口議	能所貢高	落膽喪氣

勉從衆欲 五主叢林 龍泉告老 歸類之濱

養真逍遙 布衲焚香 箕山高潔 復見於今

歲在龍蛇 倡終坐滅 緇素悲淚 如渡立棧

爰有法嗣 狀師行業 勒銘豐記 永表靈塔

大定二十八年歲次戊申六月丙寅朔 燕山王

玉刊

休休道者祖深建

京兆府提學所帖

明昌五年四月正書在西安碑林刻宋大中祥符

元年文宣王贊碑陰

謁唐太宗廟記

明昌五年十月薛嗣昌撰草書在醴泉

謁唐昭陵詩

明昌五年十月劉仲游撰草書在醴泉

太白山鍾欵

明昌五年僧法洪等鑄在陝西郿縣

脩魏徵廟碑

宋本高廣行數未詳正書篆額題改脩唐相鄭國文貞魏公廟記十二字在陝西澄城縣

澄城縣改脩唐相鄭國文貞魏公廟記

有不世之君必能用不世之臣用不世之臣必能建不世之功若鄭國文貞公者其可謂不世之臣歟公以不世之臣而過太宗不世之君真千載之嘉會也夫值千

載一遇之世將行千載一隆之道豈但期會簿書聽訟
獄而已哉公亦自以為不世之遇而能展盡底蘊無所
隱太宗和顏從之如不及是以貞觀間斗米三錢外戶
不闔兵寢刑措庶幾唐虞之隆□□□□□□□□□□
□□□望之□也公姓魏名徵字元成本魏之曲城人
新舊二史載其致君澤民行□□□如丹□□□□□
□而後見也其祠舊在縣之西門外始也□□□□□門
□東壁逮宋宣和間縣令張綱別立祠□塑為貌像□
歲月滋久堂宇頽圯神像剝缺加之其地荒僻殆不副
忠臣賢輔所居吁可怪歎今主上踐阼之明年
勅修天下忠臣義士廟宇有司以公祠聞於朝然

久不報時縣令艾侯憫其荒口乃口卜地口口垣於南郊外三十餘步輸已俸以遷焉於是公之孫與闔境士民贊助而成之不勞民不費財經始於十月斷手於十二月其堂三間五架中塑公像又其孫口秉笏侍立於左東西廊廡十間各二架廟門一所使歲時祠謁者如事其生公之在唐先有賜莊在縣北曰修善村其子孫家焉因命鎮曰良相驛曰賢相皆以公故也公之家世蒙給復下逮五季宋初亦然及韓魏王琦西帥也口官其十五世孫道嚴至大觀政和間賜銀六百兩絹五十端以彰賢臣之後本朝定國軍節度使傅口申諸朝亦贈其十七世孫可祥守其先塋蓋令德之後也因

并紀其實以告將來不惟使後人之繼業者不墜其家
 聲抑將使為人臣者以道事君措天下如貞觀之治顧
 不偉歟侯字良卿屢宰劇邑所在 聲澄人畏而愛
 之其德政此不悉載異時秩滿代 縣人指此祠為甘
 棠之蔭舍云永安三祀冬十二月晦日將 仕郎同州教
 授孫鎮謹記 進士王嘉猷篆額 修造 缺嘉言同修
 造孫魏紹祖紹先彥直彥真彥口進昇 石匠党溫刊
 商酒同監高安國 缺李公弼 昭信 缺飛騎尉石
 抹守道 將 仕郎同州澄城縣 主簿牛顯祖書丹 徵
 仕郎同州澄城縣丞劉伯仁 定遠大將軍行同州澄
 城縣 伯食邑七百戶艾元老

立石

重陽子無夢令詞

高廣未考草書後款
正書在陝西澄城縣

無夢令

大道長生門戶式惺惺覺悟鉛汞緊收藏方始澄神絕
慮心慕心慕便趨蓬萊仙路 重陽子書

永安五年歲次庚申重陽日終南山祖庭靈虛觀主呂
道安畢知常立石

道士王喆自號重陽子終南山重陽祖師仙蹟
碑云師咸陽人姓王名喆字知明重陽其號又
有王重陽玉花疏一碑在蓋屋王重陽太清宮

詩刻在鹿邑陸增祥志

老君菴宋雄飛詩刻

泰和元年二月行書在陝西郿縣觀村

京兆府學教授題名記

泰和六年三月孫通祥撰王世英正書在西安府學刻宋元祐移石經記碑陰

圭峰草堂詩

行書在陝西郿縣

遊圭峯草堂 雪岳老人

竹外谿山總是泉馬蹄無處避蒼煙圭峯面目真如在何必林間去學禪

再過草堂陰薶殊不見山因題詩於壁 洹山史弈

一春風土暗商顏隨牒東口我自頑今日圭峯塵障口

山靈應恠未歸山 大安改元春六十日

因陪 子晉先生泊 諸友過草堂而宿于山堂偶成

二絕 東原田曦

縈紆一徑繞山根野草閑花種、新要識我來林下意
不教虛負草堂春 飛花狼藉送春忙乘興來遊古道

場擬把塵心頓祛釋會須今夜宿山堂

大安元年二月初十日草堂寺主僧了珙上石 孤雲

野釋普定書 樊世忠刊

耀州寶鑑記

大安元年八月高坦撰男惟忠書在陝西耀州五

臺山

法門寺真身寶塔詩

大安二年七月僧師偉撰朱景祐正書在陝西扶風

趙秉文法語刻

石高五尺廣三尺六行行八字
正書在山西平定州天鰲寺

圭峰法語 趙秉文書

作有義事是醒悟心作無義事是散亂心散亂隨情轉
臨行被業牽醒悟不由情臨終能轉業

大安二年十月上休日王師雄張雲卿同立石

古靈隱語

卷二十一

靈光獨耀迴脫根塵體露真常不拘文字心性無染本
是圓成但離妄緣即如、佛

爲

政公長老書於楡

方丈張宜刊

按趙秉文泰和中爲平定刺史

老君庵孔朝散詩

行書在陝西郿縣

飲中用昌裔韻

天監

右峯附右後攀前如弟如兄

翠接肩償我多年憶山願此行信是不徒然 右詩積

石太守孔朝散題庵主李守一命工刻石 貞祐二年

七夕日

甯曲社修水記

正書策領題甯曲重修水記六字在陝西郿縣

甯曲社重修食水記

惠本於心者其益大作有乎利者其行久蓋君子之心
目民之害者相與除其害苟可以利人者必務興其利
故其本心之惠利物之作非止加於一時使百世之下
永賴其功而稱頌之雖欲湮淪無彰而其可得乎郿之
東南有村曰甯曲右高阜左平野清渭經其北太白當
其南厥田沃壤物產蕃茂則富庶甲於境內者也然土
厚而泉清人贏於井汲賴有流水繚於藩籬門庭之間
爲斯民之大便僉云此齊相甯戚所導之水也相之故

宅遺址猶有存者焉名之甯曲者自此始矣又村之東北有二塚曰相之塚也歲時祭祀故俗相傳禮無少衰蓋思其德而敬其塚猶人慕羊公之德而淚峴山之碑也或曰初相嘗往於南山下中道遇汲者問之知其艱於獲水乃惻然作意盼隰瞰原順夫地勢渠而浚之決赤谷之水北過於亮伏暨李義村又北過於吳家村以至於甯曲又析水之數分入畱香千童延其水之所行及所流之多寡二者有常無相爭奪使上下居民均得食用不假於遠負而深汲逸其所勞而易其所難噫賢者之舉其利溥哉降及後世古道寢淫淫風殄滅衆暴寡強陵弱瀕於上流者盜夫其水再於已而遺於衆使

夫居末流者當暑曾不得涓滴以相濡構怨連禍訟於
有司者積年不絕然則始之所以養人者今適足以害
人是豈前賢導水之意哉夫智者創物則能者述焉明
者作法則愚者守焉後之人當修廢革弊納民於軌度
以利其心志以息其愚陵均水利於室家不亦懿乎儒
生劉文秀者乃甯曲土人也世号富家目擊其事慨然
有澄清兼善之志遂哀衆具牒詣有司以請曰夫民之
用水固有定制自下而上彊不得陵弱富不得兼貧尊
其次序周而復始重其罰以防於姦邪明其禁以示於
弗渝然後水之利可均民之訟可息不惟發揚賢相便
民之餘休却亦副國家張官听以爲民之意也時

治郿者皆賢深然其辞判而授之一日劉與鄉友於哀
命以爲記哀曰夫述一事紀一功當在於俊才傑士其
淺識寡學者將何益哉牢讓數日竟不見察哀寓居於
教坊常往來於甯曲素辱諸公之厚盼辞不獲已於是
退而援毫以書其故老之所云尔二曲高褒記 隴東
進士康節篆額 雨金進士張待舉書丹 邵陽馮善
刊 武節將軍行恒州郿縣尉張住哥 武義將軍行
恒州郿縣簿謝恩 宣武將軍行恒州郿縣丞騎都尉
周元 輔國上將軍行鳳翔路恒州郿縣令□□ 院
軍民都彈壓金源郡護國軍開國侯食邑一千戶食實
封一百戶完顏九住 興定五年冬下元日張通蕭德

趙勝徐忠段濟張新蕭吉蕭林姚珪張維李儀江張宏
李彬本院主僧法斌道士岳欽禮閭真同立石

碑陰圖

甯相與食水之圖 爰自上祖鄉老傅亞子孫以貽

後代繼志不絕食用至今 蕭松 蕭機 劉忠 張

再成 張挽 蕭彥 蕭憲 張進 張達 韋方

韓全 劉儀 劉演 劉進 万俟輝

雪凝九夏凍霜寒俯壓塵口地口寬窗相央渠千古潤

物華豐美自長安 凡願食用水者碑有名不願者無

名 本社同立石人姓名于後 蕭全 張海 張端

張玉 万俟口 吕義 姬平 于存 韋進 張

房	劉玘	張彬	孫千	郭政	趙口	肅德	趙
唯	成直	劉安	蕭口	張溫	張祐	蕭安	魏
堅	張口	張昇	張茂	劉玉	木張平	趙口	
齊臻	成全	蕭再立	魏全	汪口	趙斌	劉仲	
張直	劉潤	張口	索堅	邢辛	劉口	甄李	
平	王口	宋海	劉通	王通	董德	貢口	董
立	李端	楊政	劉直	口口	董平	李闌	張
平	張用	劉口	口口	郭真			

甯曲水即金渠之上流自赤谷來者自甯曲以上為居民食水以下則灌田為金渠蓋因其地多砂不能鑿井故引山水以資用迄今猶然碑稱為齊相甯戚

所開無所依据不足信也

關中金志

重刻枋口白樂天詩

高三尺八寸廣二尺二寸上題白樂天詩四字字徑四寸二行正書詩九行行十七字前後署款凡四行並行書在河南濟源縣

白樂天詩

河南尹白居易

濟源山水好老尹知之久常日聽人言
今秋入吾手孔山刀劒立沁水龍蛇走
危磴上懸泉澄灣轉枋口虛明見深底
淨綠無纖垢仙棹浪悠揚塵纓風抖擻
巖寒松柏短石古莓苔厚錦坐疊高低
翠屏張左右雖無安石妓不乏文舉
酒談笑還身來管絃隨事有時逢杖錫客

或值垂綸叟相與澹忘歸自辰將及酉公門欲返鵲溪
路猶迴首早晚重來游心期罷官後

大和五年九月二十六日

大金元光元年九月一日遷授昌武軍節度判官賈
獻臣重錄 前王屋縣主簿邢可大立石 巨鑿刊

按樂天枋口詩作於唐文宗大和五年當時正書
石刻附刻馮宿詩金石錄目唐白居易游濟源詩
是也後三百九十二年重錄立石馮宿詩無考矣
金主珣以河南為中京濟源枋口在其境內改元
元光之歲即宋寧宗嘉定十五年也白香山集列
此首於後集格詩題云遊坊口懸泉偶題石上并

詩中澄灣轉坊口皆作坊口錦坐疊高低句疊字
作纓並誤

印公開堂疏

行書在陝西
鄠縣草堂寺

陝面東路京兆府謹請印公堂頭作本寺山主住持爲
國開堂祝延 聖壽者 伏以法有無邊之義均度
有情佛開不二之門動歸真諦故能仁以有爲闡教達
磨以直指明心末法以來開士稀有麗行阿師笑禪為
室寂猗頭忝客謗教爲思惟千戈交持戶牖自闢餅口
釵釧舉稱異金酥酪醍醐各誇一味聖維時遠道待人
弘敬惟印公堂頭幼歷講筵長叅性理其饒益足以資

後學其談辨足以應無窮鄉里之所歸依天龍之所回
向而况逍遙古刹宇宙福田本羅什譯經之場寔定慧
談空之境口道衆欲或墜家風眷圭峯一帶林泉竟往
爲主而曹溪千載衣鉢忍使絕傳願振一音俯矜再請
謹疏 元光二年二月中有京兆府印一方日疏 朝列大夫京
兆府判傅差出 少中大夫通授鄆州刺史兼京兆府
治中裴滿差出 同知缺 內族昭武大將軍宣權統
軍使兼知府事完顏

碑末所書內族昭武大將軍宣權統軍使兼知府事

完顏者完顏阿打也

關中金志

辨正大師奧公僧錄銘

元光二年十二月僧方亨撰義金篆額徐又正書
在鄠縣草堂寺

唐太宗贊三藏羅什詩

正書在陝西鄠縣

草堂詩 唐太宗皇帝贊姚秦三藏羅什法師

秦朝朗現聖人星
遠表吾師德至靈
十萬流沙來振錫
三千弟子共翻經
文舍金玉知無朽
舌似蘭蓀尚有馨
堪嘆逍遙蘭裏事
空餘明月草青青
維那僧定瑞
副寺僧祖瞻
祖盼
監寺僧祖口
祖曦
正大乙酉歲仲冬望日
主持傳法沙門義金重錄立石
長安樊世亨刊

草堂寺趙閑閑詩

行書在院西郭縣

遊草堂

幾家籬落掩柴關盡在浮嵐擁翠間
榴穠明遶通白水竹稍缺處補青山
下馬來尋題壁字拂塵先讀草堂碑
平生最愛圭峯老惟有裴公無愧辭
逍遙園後變羅木曾見春秋幾變更
落葉蕭蕭風雨後却疑當日譯經聲
南山深鎖翠微空寺在南山十里東
祇恠來衣袖濕不知身在翠微中
南山常讀退之詩未說煙雲潤色之
要看看山光如潌黛更須留待雨晴時
閑閑趙禮部先生辭翰爭輝曜騰天下
孰不仰之以謂極

盡美矣然此特窺一班則未覩其全也 先生以道學
發其本源涵泳既久妙入聖人之心法及乎得志思與
天下共之遂取前賢箋注有力於聖教者以清俸刊行
之俾雕章繪句之流知所歸宿庶乎士風魯變薄俗復
厚此 先生之望也正大乙酉季冬奉使夏臺迴游草
堂題詩七章咸陽懷古二章寺主義金侏諸貞石用傅
不朽姑此惡語以紀其實使觀詩者因一得三又知
先生深造於道兼善於人也丙戌仲夏中伏鑑山方亭
謹跋 正大三年立秋日住持沙門義金上石

閑閑詩行書清矯惟詩云南山常讀退之詩不及烟
雲潤色之余謂橫雲詩平凝點點露點岫案韓詩云

點點露遠岫青藜記韓公固常道及閑閑或偶未審

耳

金石錄

閑閑居士趙秉文自號也秉文字周臣潞陽人登大定二十五年進士官至禮部尚書金史有傳劉祁歸潛志云秉文詩與書皆法子端後更學太白東坡

清

館金石記

金石續編卷二十終